

STORIE

Cjargne 1944: lis lidris de libertât

Ai 26 di Avril al è stât presentât a Udin, in sale Ajace, il volum "La Repubblica partigiana della Carnia e dell'Alto Friuli. Una lotta per la libertà e la democrazia", publicât dal Mulin e curât di Alberto Buvoli, Gustavo Corni, Luigi Ganapini e Andrea Zannini, de Universitât di Udin. Il test al racuei i ats de Cunvigne internazional di studis storics "1944. Una lotta per la libertà e

la democrazia. La Repubblica partigiana della Carnia e dell'Alto Friuli nel contesto



italiano ed europeo" che si è tignût a Udin e Dimpeç ai 23 e ai 24 di Setembar dal 2011, moment scientific significatîf dal progiêt su la Republiche de Cjargne, puartât indenant in cunvigne di Universitât di Udin e Region Autonome Friul-Vignesie Julie, in colaborazion cul Istitût Furlan pe Storie dal Moviment di Liberazion e cu la poie de Fondazione Crup. Doi dis dopo al è lâf in onde su Rai 1 un speciâl dal TG1 dedicât ae Republiche de Cjargne cuntun servizi di Roberto Olla sui lûcs des vicendis cun intervistis ai autôrs e ai protagoniscj e cu la proiezion dal cine "Carnia 1944. Un'estate di libertà" di Marco Rossiti.